

四庫全書

集部

欽定四庫全書

集部  
龍雲集卷六  
七

詳校官庶吉士吳烜

侍讀臣孫球覆勘

總校官進士

朱鈐

校對官中書

陸湘

謄錄監生

徐元湘

欽定四庫全書

龍雲集卷六

宋 劉弇 撰

古詩四

次韻酬蕭器之朝奉

弁也培塿姿狹識謝崇嶮策疲迷津梁憂患醉心骨魯  
酒笑薄圍商聲慙後出曾微剗犀效澁鐵但緘室監紆  
元豐詔經名掛千佛中間困齋鹽晚復椽丹筆同時蕭

雲英大半空冀匹鄭衛正啾耳冷落女媧瑟勞生一瓢  
壺風波信浮沒幾欲定蝸居歸歟訪葱蔚甘齒婆娑民  
庶可老縑快恩波從天傾隨器到豐溢例當薦員收殆  
不止夔一春根聊撥陳敢議得償失積薪無踰材魚鬚  
暫囊笏持此歲月閒尚冀補終訖蕭侯朝閨彥憐我升  
斗秩洗以古襟期如鬯發新鬱青天方觀樂些語劇招  
屈倒持珠璣囊一寫非所恤冷然蠲幽抱海若發瓠室  
巴歛迫新賡芹暄羞獻術得喪雙騰虬未易嬰長綽薄

言遵醉鄉庶我遨永日幸無孔顏悔妙外論越軼

次韻和賈仲武同諸公遊狼山

寒林羨朝暎課壤渴膏霖昔聞三神山噴薄擅疑獨忽  
從六鼇頂角起連天麓我欲追幽尋筇龍跨飛竹呼吸  
沆瀣滋六合歸蹂躪苦恨弱羽短彌年胸憤蓄竭來茲  
山遊快甚焦得沃幽岐纒脩帶僵木披剝腹桐萼瑩圭  
姿槐青收兔目蘭風遞孤爽天半落芬馥捫蘿躡飛蹬  
輕屣捷馳陸窮探初來已肯憚岡岑複直欲駐頽陽攬

駕還若木主人山南公白面鬢雙綠載酒邀我行璀璨  
揮觥玉雄誇倚白馬高謝言詩卜狄侯士林秀智敏紛  
炙轂江夏拔俗標天驥脫羈束合匝四座賓匠手誰甘  
縮嗟予早不偶投足祇取躓卑飛得海角若畏官謗速  
樊籠一灑濯便覺榮願足濫當新詩酬奏雅慙終曲行  
將秣子馬更約相追逐

再和賈仲武游狼山

尋春古原頭林梢過朝霞狼山連東南擅美此其獨搏

鵬岌駭勢潑黛森孤麓宜樵葉堆松洪如萌抽竹區區  
介丘比回視一何蹶渾疑香靄中爽氣每先蓄掬泉弄  
幽清渴肺初欣沃噓雲出羽蓋入鳥洞胸腹茫茫宇宙  
間千里得寸日照髮射冷翠艷裳來遠馥根株吐乾坤  
要會控水陸高躋頂初絕却轉道彌複梗楠間桐櫨干  
霄非一木覃覃闢寶構殿閣輝丹綠禪客稻餌珠騷人

闕留玉遊嫌後時追賞貴前期卜睠彼市井徒乾

闕

丹轂老死不一到動輟取孿束誰知吾輩

闕

猶

縮拂衣便成往握手不嫌躓句外氣爭

闕

中機鬪速

無為苦役役坐自絆馳足紛紛簿

闕

與物商直曲會

須擺紅塵更着輕鞭逐

贈雪峯長老守超

仰窺玉奩天面窄頑碧顛青自天擲祖禪不管地祇慳  
十五百徒此其宅流水聲中換今昔粉抹頰糊老椽壁

枯木庵回舊日春難提塔示重来圻

存公自云難提塔  
圻當示現而師住

持適當  
塔圻云

超公最後法席張全機撲落鞦韆毬場曾令天花



倏飄墜况有庭橘符青黃

師與愛弟彥伯中散公雙生  
生時庭橘止有青黃二色人

以為

烏藤橫膝傲佛祖熟識眉宇瞬且揚天吳吹瀾洗

靈垢方諧挹月來清涼東甌萬剝盡金布咋舌誰堪論  
妙悟賺殺參兒走衲雲高枕無乃林泉負廬峯南遠真  
西材叩寂丈室慙宗雷秀巔龐眉逼人爽反疑不自塵  
中來由來山興復不薄畏塗何計揮塵縛詰朝匹馬汗  
羞顏又作楊花無止泊

和仲武苦雨見寄

君來通川居朱門廢重岼近聞值霖雨匝舍野水涼平  
地忽浩瀚頓足疑涉江猛風利如刀觴紙無完牕朝釜  
魚頭生飄注旋罷缸仰收墮業書俯拾短焰缸癡兒臨  
缺湫往往駭影雙我亦有此患漏榻遠屋扛塊如失羣  
鵠感憤愁眉厖孤膺紛填噎更甚兩肘撞辱君大句投  
華旗揭脩杠直欲却以心不容苟且降森披漢殿戟纒  
縹梵天幢倉惶短兵接豈暇輒淬鏃區區苦吏役展驥  
曾非尨強亦歌巴歛跛鼈慙驪駝

晚晴

翔颿拂層陰，孤鏡掛天脚。幽姿媚澄塘，俊活扶秋岳。飢  
鳥下木末，啁雀喧簷角。落日銜半規，逗翳如新濯。海濤  
晚聲收，萬里卷冰箔。微颿靄疎櫺，輕靄躡叢薄。蛛絲裊  
如狂，虛隙野馬躍。病軀得愜適，更甚解纜縛。瀟洒萬籟  
井，冲融百飛疑作非。却熊經與烏申髻，猶能學蕭蕭寒  
砧弄。天半哀音落，客愁轉如蓬。萬緒入冥冥，不無臨風  
想。曠日歸，頷略如疏味。新腴把酒蘸，沉粕明朝踏新泥。

已有躋攀約

贈黃成伯仇覽

翔

一作春

風攪

一作吹

客心爛漫不可收  
隻舲揚層波益信

生計

一作若

浮滄洲澁歸迹  
飄撇慙吳鷗  
若人來自東卓

犖

一作攬物

欣嘯倚揖我暮川  
涖疎明烟天  
球掀髯藉芳草

聞則數魚鯁詩書見孤詣  
盤丸走軻丘  
况有掃圍筆可

擅岐陽兔陰湖六尺輦  
初恨不少留

前值君蕪湖恨梅不相省錄而過

根躍高檣笑我仍回頭

過梅根渚君檣颯輒先自戲我以得雋

繩牀列短

炬相與枯春筍清狂到詼誑券內嗤蜉蝣一作女牀無

凡羽渭曲皆清流

君名父之子一作潔流

嘉實

一作種

自彌望

一作青玉

直未歛以擘須矣策高衢稽句寧公羞

有詔遣移局實錄院因成古詩奉別同舍學士諸

公聊佐一笑

春秋謹嚴書百史茲考信晚周駕而東弱魯猶足訓低  
昂心權衡與奪管膚寸包羅三八祀誣始蓋其慎一言  
開慘舒九地迴斧袞密雖蒐鯤鮪寬亦漏鯨蜃姦魂負

芒羞忠骨蓋棺奮肉角死西郊風味一朝盡千秋聖人  
經寂寞風雨燼三子豪未除巧語終不近早時遷固儔  
雄誇掠秋隼斧鑿謝前規沙場出孤駿森嚴雖時乏猶  
足傲拘窘黠兒何厚誣乞米誑髻亂至今汗青手縮袖  
齋痛憤此道竟寂寥斯文有遺恨於皇宋七世輝赫到  
禹舜起趨當作趨趨  
玉篇驅步下祥祉郁穆起聲聞載祀盈十六  
鏗滌無垢釁斯民被醇和淪浹酣九醞冠劍趨夔臯戈  
鋌老廉藺君臣不朽計邀與事功運龍催鼎湖去墨燥

螭凹潤際會風雲收刀尺光景迅胚暉歸太史承乏乃  
頑鈍詔遣陪青箱隨宜課程趨攀緣赤霄堦颯灑塵土  
鬢嗟我佻儻人機杼終不韻早負江湖心晚繇道山進  
么麼亦胡為陪躡濫英俊捫奎星辰逼飛辯球琳振計  
工蠹魚上三載真一瞬今者聯結束如發千里軻鷓鴣  
巢新林末似故枝穩賴鯉定自勞何取名赤鯁酒徒謝  
知章詩敵拋何遜徒勞門戶成慙愧上車問猶幸親切  
連勿負時通訊

送李堯咨赴官山陽

時在海門

長離飛從丹穴傍，刷羽渤澥晞扶桑。旦經崑崙莫砥柱，  
玉山之黍聊充腸。歷覽五都遍九土，一朝翩然歸女牀。  
夫子故家本山陽，憔悴一官纔故鄉。時人等閒得重糶，  
君家撲滿無餘藏。相逢海上真偶爾，畢趣論心良慨慷。  
不無幅巾遲蕭散，况有逸爵揮淋漓。浪酒酣調笑不嫌靳，  
共指鷓鴣飢鳶翔。蕭晨八月渚，紅香水風泛。入客衣涼，  
溪頭艇子送急漿。輕齋誰識王陽叢，恨無佳設綴行色。



匣劍欲解慙非良淮山刻作秋來瘦淮水割眼清如霜  
謝公何日東南下別浦應尋臨汝郎

送陳師益還建安

時在海門

南來海舶浮雲濤上有游子千金豪閩山左轉七千

京本

作十里挂席六月天風號俯窺虞淵弄白日形

京本作丹

霞下

爍波欲爇陽侯嘯瀾罔象舞出沒金背

一作脊

嬉鯨鼉等

間推徙失向背往往三山隨所遭我欲懲

京本作當作微

幽

驗荒忽脫非值子終

京本作真

徒勞吳牛喘月玉斗搖金井

芙蓉啼桔槔一綠竹葉泛歸夢別興斗與淮雲高青蘋

送客淒涼地節物駸駸驚兩

京本作骨

毛家園柿栗行可拾

况有穉楸蟠東臯魯連蹈海徒虛語尼父乘槎安所逃

它時作底

京本作解印

投快便與子去作滄波

京本作海

遨

### 送曾靈永赴舉

孟荀久不作吾道竟茫茫滔滔天下人生死名利韁誇

兒騁新學剽竄摸青黃爬羅盡砂礫氣焰苦不揚初如

拆襪線那復一條長又如抄選客十九為琳琅

近世諺語有曲

上節選好句  
不留之說

埋沒太古音啾耳紛蜩蟬曾郎春不如閑

印眉間堂十年讀書史一日胸膽張興來灑酣筆落紙

松丸香摧顏鷺鷥間識此雛鳳凰梅天暑氣

一作風

濕江

東潦聲狂辭我歸袂擁霜蒲挂高檣飄翩不可留橫槩  
赴文場期子勿苟作瓊瑤擷新芳莫學下俚曲黃花間  
折楊由來玉山粒梗澁在粃糠河雖一掬波曾是九秋  
橫行行事斯語看子摩天翔

送新淦余宰虞卿

時平循良用墨綬紛委蛇夫子西南英三十朝紳拖爰  
來慈衆兒一掬芝眉和里閭無愁嘆卒歲知婆娑牛解  
等是刃恩染誰非波神閒畧朱墨日永餘弦歌及瓜賦  
歸歟去去可奈何春容雲濤裏一葉翩經過羹魚飯香  
私涼衣送長哦三年種桃李留得春陰多鄧挽徒虛語  
禰翮方雲摩行哉尚良食吾君正卷阿

留題王公謨冲閣

謨一作謀

簷牙排青冥眺聽脫蒙昧居然入境寬魚貫出萬態坐

疑天機絨發露窮瑣碎圓清入鳥哢瀟灑送客慨脫巾  
晚吾來靜稱一榻對睨雲發高興勇欲決翳蒼胡為淫  
書史欲若嗜炙膾長年馬如狗埃塹顛毛改茲趣恐長  
負踽踽依儕輩何當拾頽齡相與一作密爾寄耨耒挽君醉  
鄉衣枯肺時一漑

贈王隱居適中

樗翁卧南郭宛是逍遙鄉朝餐止半菽暮偃仍繩牀如  
長一作松生磽陵不害材資良少也頓絕羈駸駸躩雲莊

十出九不售鬚根半秋霜  
京本作 轉蓬子頑嬉過

其傍那知胸腹  
京本 中固自儲琳琅  
作臆 我曾耳清馨  
二本

灑落皆天潢謂宜神明相衍衍  
臻樂康胡為乞刀圭彌

年對一作清漳曼容隱成僻  
照隣廢堪傷睡虎與蟄虬

兒童勿輕嘗  
楞翁乃適中  
自為病號

送元舉宮苑秀州鈴轄

挿犀頭角何崢嶸紫棠色照長弓  
駢不學蠹魚只浪死  
聊因躍馬酬生平  
奏書明光覓自試  
臣有膽武前無勅

俞音一朝九天下瑩膏瘦鐵虬鏗鳴坐上少年勿遽起

請聽此日吳趨行吳中風物妙絕殺

所戒切

檣李髹碧輝

連甕紫崖陰洞泄神秘霓旌羽帔嬉仙靈鱸肥杭滑七

筋好鷗眠鳧浴波瀾明突煙晝恬夜析死元戎退案休

千兵詩成青天送白眼由拳灑作千鷗驚金船爛漫貯

春色葉底數花餘幾英吳酸挨腸去宿滯楚舞挑客留

餘情功名成就付偶爾要是行樂寬吾齡迨迨汴水滴

油駛暖煙晝鷓酣雙旌回頭應笑東方生胡為索米長

安城

再繼權之嚴韻二首

庭椿摘初黃畦韭翦柔綠春盤巧釘脰一筋生理足今  
者鳴啾腸飢花到雙目終慙短豆戀誰轉紫芝矚青煙  
撲九衢碧瓦酣萬屋朝來好龍客義動重裘燠慙慙斗  
酒約豪健賽楊僕吹回麪車夢鴉羽正肅肅九天真龍  
飛萬物彈冠沐蕭短草木姿窶賤衾裯宿叨逾大官粟  
敢計功利速惟應杯中物可仗詩筒趨



東風入顛毛非復故時綠生涯蠹蟬裏術智謾蛇足晚  
作芸香游頗復窺叢目乾坤開清明物色洗瞻矚謬當  
匠石寄楹楠翰夏屋追隨金閨彥懷挹鄒律燠新詩閒  
模寫勇若驅妾僕千秋赤壁後英英得瑜肅朝來墻頭  
花皖皖弄膏沐歸期莽難求不啻襍被宿端成心賞違  
誰念客當速聽取提壺聲勿負慙懃趣

趣趣二  
字宜通

送貫之縣丞解官還壽春

西江客袂春風老吹得歸心亂如草鯢浪三篙下晚艍

去程不學寒蓬掃淮山蒼蒼淮水長千里一官歸故鄉  
舉世由來青眼少孟娜破黛嫫母狂緹巾十釐盡燕石  
埋蝕大半雙明璫干霄自是男兒氣遭與不遭真偶爾  
人非田文莫彈鋏世有伯喈須倒屣君其行矣重問津  
蹠月駒駢寧絆死

次韻和彭道原元夕

攬雲握摹張流蘇華輶夾

一作

道青鞵榆黃昏天公下

種榆百萬星點成須臾赤帝鞭車墮雲衢燭龍駢頭浦

還珠競隨丹豹膏鳳雛麟鬚拂蛾聞數疎絃嘈管淚聲  
鬱紆櫛比百戲羅侏儒輕紈繡履踏艷姝灼灼巧笑聯  
芙蓉有客年來倦著書囊錢困粟索無餘短釵一作釵列  
按擁弊襦未看行樂誇睚眦大奴聽響仆屋隅小女行  
卜迎紫姑子雲門巷正蕭疎誰者載酒論區區

書新興羅漢室

應真檀施者誰子僧云福堂隴西李巨無窮盡理則那  
明明善根此其始

次韻林錫遠食蜂兒之句

世人嗜食心專甚，鼓記里剗磔供嚼齧。誰計物生死，紛紛蠹羸蚋。晚亦列甘旨，况如茲蜂者。拊拾纔蠢爾，八月陰崖昏。戢戢若攢指，老房脫枯蓮。薦右方物美，翻嗟甘口鼠。橫使童角毀，吳蠶徒自僵。商賈斯遠矣，我思天地間。材死舉相似，烏殮在澤羽。象焚緣掉齒，梢梢撓雪幹。斲鋸入儀軌，豹胎及駝峯。日飽嚙咽子，人方懷此憂。何暇多議彼，異時佳設張。更餉勿余鄙。

題遠上人休老庵

上人叢林秀襟期支許越往從湖山遊發軔無留轍轉  
身浮雲空歸興飛鳥豁故鄉得青海下瞰鯨燦窟結廬  
纔蝸牛勝踐喧卑脫叢殘翦荆棘况敞棲榻埒蘭苔紛  
被逕關鎖晝不掣由來大慊生卓錫果清絕管茅席三  
徑虛榻掃涼月不持一錢居未省香火歇鶴骨老亦輕  
田衣故仍潔高春一飯過野苻供嚼齧笑作瘡剜肉薦  
語畏饒舌陽岡諸蔗稠乳竇春泉冽行當攬俗駕滯念

論一快

酒家逢徐逸人

隴唳馬子踏落花  
落花盡頭逢酒家  
酒翁破顏迎墨客  
五雲冰漿發青帔  
丹丘羽人笑揖我  
餉我碧海雲琅芽  
食之竒光鬣兩腋  
小哉天地自幕席

疑有脫句

眼底不辨驪

與騶冷風時能借  
一快便欲騫芝凌  
紫霞且唱蹋銅錕  
莫歌白浮鳩躍沫  
寄頽年陰陰馳四  
騶雲璈駕闔風茲  
約竟悠悠却憶東  
皋醉鄉記翻笑三  
閭非所憂安得烏

孫青田核下變春江萬斛流

志鴈

東道出海陵諸水得故樂野鴈若煙海於馬避繒繳去  
來迷春冬啜喋識領畧于時臘將殘篝火彼童弱霜葭  
楊飛燹敦迫海風惡崑陵一作焚卷大地電笑牽霆搏翩

翩隨陽侶照影起虛愕嗚呼犯蓬勃騰踐劇隕電捎捎  
青雲翩寒焮謝寥廓莫知孰奴五百萬歸一爨有叟家  
青溪三日舉不涸赤肉羅岡陵腥血灑叢薄商人爭行

錢煙艇紛飄泊蓬茨未改故十倍富前昨翻笑任公子  
釣鯨滄海角

海門故城

俗謂姚司徒城蓋草竊者

故城邑東南盤盤蟄脩地借問經始人云是司徒家唐  
季遭閔凶羣盜紛如麻淮海尤剽輕時時起邀遮甚者  
控壤地相錯臨犬牙斯人何為者尋兵嘯磨麈擅此一  
抔土僅侔國於蝸鋌鑽稽天誅至以功爵加百年去隨  
手遺階臨汀沙牛羊閱朝昏草木自萌芽誰非化黃壤



此獨遺雞妓停驂一回首浩嘆空歌巴

夜飲留李聖咨決曹走筆

君不見東臯酒狂能放懷醉鄉着家身去來又不見昔  
時西晉把螯客隻手敵以黃金罍派年驚鴻瞥眼過為  
君特地柴門開鷺雛轉黃吹甕醅紫蒲白薤雜芋魁始  
知有神王歡伯解卷霹靂蘇愁菱玉繩挂閣爽氣回烏  
樹不驚螢點苔熟耳未厭雞聲催玉山好約斜河頽枯  
腸一掬君勿負蓬行九轉真悠哉

我行

我行適東坡野色若可搴問津初無從強驅良苦鞭三  
濡貯客潦冉冉吞吳天故壘何崢嶸荒涼非昔年虹腰  
截海堰蜃氣噓窰烟霜封百草乾回風時颯然狐兔死  
欲盡饑鷹空老拳村深行人稀落日下烏鳶敗荷古堯  
衲野菊金連錢羈懷自騷屑節物驚祖遷投暮僧舍中  
誰者同留連

雷塘

磐嬉截長淮聞自隋天子運丁大業末役跨遼東始洶  
湧溝濁河赤血洗千里江都天東南歲閱翠華指錦帆  
抹非煙疊鼓蓬蓬起紫幟朱絲絡百萬羅衛士璇房貯  
彩女灼灼艷芳李虞公正逢惡何稠甘沒齒一從水調  
奏便識還聲已浪傳遭箇春不悟羊無尾雷塘一掬土  
僅足掩冠履行人為傷心清淚墮如水池荒九曲春尚  
想迷樓倚落日注蕪城牛羊下坡紫甯

依師小軒獨酌

東籬粲佳英依約圓錢帖西渚傲霜貧瀟洒後猊鬣居  
然容膝地况與蓬立接始余供煩使浪謂素意慳一當  
駭物機局縮如跽摺客塵不制人脫去苦不捷誰謂一  
日間跂倚發蹠躩椒漿洒玉瀝蠹簡披往謀兀爾自忘  
懷少復進專輒流年苦蹉跎念咎真脫葉皤皤彼禪客  
趨尚未易躡正應發再駕萬念茲一攝

早發臨川經回龍寺少刻因觀李供奉畫須菩  
提

黎明出故壘得此空王宮結廬知何年十里巒岡重居  
然謝埃壘窗窳開房櫳篔籬漏初日雲木涼高風直疑  
天邊秋六月到此中辟端故時筆磊落空生容詐言然  
乾容燕坐長年逢我來偶拭目滯念為一空野僧強留  
連稻飯延高春王程迫星火持語勿惱懷方慙簡書畏  
何計棲狂蓬

留題疎山白雲禪院因呈長老秀公

白雲去不還空留白雲額至今飛山顏片片盡秋色蕭

蕭事盤紆剗石轉歆仄舩稜騫古殿粉墨昏絕壁有客  
倦歸艫瀟洒寄一適松蘿青鳥哢江影卷餘白始時開  
山人真意非無得百年驚一呌節物變今昔誰是雲無  
心翛然彼禪伯

過昆陽城

古聚少荒蹊多枯湟十尺餘陂陀絳霄南來赤龍子叱  
吒此地揚天戈虎據乃其始鵲起寧須時坐令劉宗半  
天下尋邑百萬徒爾為今來玉壘半荆棘但見蒼煙白

日嬉樵兒愁來商歌涉長道澤國秋蘭紫莖老九原蓬  
顆日益多世事茫茫一飛鳥

龍雲集卷六



欽定四庫全書

龍雲集卷七

宋 劉弇 撰

律詩一

鄱陽湖四十韻

巨浸連吳越，高躔直斗牛。  
玄冥開別府，江伯匯支流。  
象緯元精逼，神姦秘恠哀。  
番君疏帶礪，彭蠡壯襟喉。  
赴隙如無地，憑壖忽有州。  
津涯逾寫潤，窟宅定劖幽。  
島認瀛

鰲戴濤疑陣馬蒐珠跳憐雨駛鏡滑識風收樹帶喬枝  
隱山餘短碧浮窺覘波罔象睥睨怵陽侯漾月都迷皓  
蒸雲間作油涵濡均藻荇冗長到鰕鮒蜃幻晴噓閣龍  
腥夜拔湫萬尋懸圃玉一帶洞庭秋盈縮知誰紀吞并  
似力掣鯉矜封赤鱗龜笑斥朱眸嵌寶扶桑齧珍文匠  
石鏤鷗羣馴野客翫肆傲潛蚪苦數筐零霰檣輕弩激  
猴孰分浮瓠澁或訝繞蛇丘絃索延商婦解艘送莫愁  
陶朱誠得策神禹想遺憂端稱潺湲弄非無隱伏梭豆

分高下渚葦視去來舟血脉乾坤活瘡痍稼穡瘵披猖  
包息壤瑣碎落浮漚蓮女嬋娟棹漁郎毛燥甌有人牽  
繡被無容傲鸛裘貨貝窮乾沒醪羞肅丐求束枯論沃  
釜戒覆比傾軛衆水杯盂外它年吐納尤鵲填功未議  
鯨吸志應酬何事輕思濟吾防果未周阡危心骨醉飄  
泊面顏羞敢計乘桴去何知戴笠遊片帆真擾擾隻影  
轉悠悠卑濕嗟疑作梁傅星霜挂魏牟勞歌慙孺子破  
簾付平頭烏豉綠尊置黃糧為鱸謀清螺取歸日穩棹

聽夷猶

蔣沙莊居十首

它日蓬蒿地吾廬瓦數溝  
井泉甘勝乳庭竹冷先秋  
村落時情淡田疇歲計優  
荆扉論日掩最喜近松楸

黃嶺虹腰抱鰲山食案橫  
中非避世士稍亦畏時名  
傍晚澆慵酒尋春濯足行  
雞雛嬌底死犢子健能生

翳翳柔桑活輝輝野水寬  
藝蔬蒼芥甲延客白蒲團  
點綴花粘蔓稀疎粉束竿  
家風纔茗飲一室聽冰寒

軟滑香私顆肥長紫蕨苗盤食殊不惡隣叟亦時邀潘  
岳蕭條鬢陶潛頡頏膏巢枝得安穩萬物一鷓鴣

晴屋鳴鳩婦春陂翳雉媒筋頭甘野藪鋤力到陳亥掠  
水千艘健橫風一笛哀最憐雙白鳥何事等閒來

千里蛇原近宜杭一畝金亂醒

元作  
鞋

眠暗術嬌碧擁雲

林早晚歸歟計因循愧此心江南吾土樂應得慰消沉  
松種龍蛇子栽培近著行有時窺北榻不日暗東岡洒  
落終含韻輪囷未竟長故應容足地投老慰荒涼

羊棧雞埭接疏畦  
麥壠傍蝸涎書老  
僻苔陣澁高廂家  
有青紉學兒傳急  
就章未甘騎瘦馬  
跳蚤事乾忙

名愧周繁弱材非魯孟勞  
蛙仍當鼓吹徑任沒蓬蒿  
紫芋新厨味黃根馥繪刀  
業詩何水部耽酒阮兵曹

劉宗墳墓國金水眇縈回  
颺颺鴉巢覆疎疎椽戶開  
春風持贈柳臘雪試粧梅  
欲識塵埃少元無俗物來

莆田雜詩二十首

清樾陂陲外春深四五家  
叢祠下簫鼓平楚暗桑麻  
水

國潛蚪傲天程去鳥賒仙山仍在目瀟洒送生涯

梅雨催農罇癡風泣海檣魚龍波浪闊燕雀戶庭涼  
柱春剗玉螭山夜鑿霜家園雨痕淚早晚促吾裝

南北分雙剗公私限五塘蚶祠開瑣碎蠅井幕荒涼酒

熟傳紅泛槍

疑作槍

珍異墨黃飄零晉耆舊冠劍幾星霜

梅井經疏鑿如聞自昔人玉奩深貯月雲乳暖藏春桐  
葉誰新汲葵芽好問津端堪事杯酌冷汰客襟塵

末麗娟娟妬山丹灼灼姝暖煙崑養璞沉碧鳳將雛刀

尺文章拙巾幇禮數迂課成鷗鷺想片夢落江湖

十里壺公廟喧傳像逼真斧斤剗洞骨風雨澁松鱗氣  
象乾坤豁涵濡草木春的應雲開霞藏得武陵人

鷓鴣青春晏黽黽白社驕掠風雛燕翼界雨晚虹腰醪  
醪銀牀瀝茸茸紫澗苗到家幸無苦浦淑有回潮

飽聞何氏子遺迹在仙山節擁三清絳龍騎九色班曲  
屏明翳蒼哀王走潺湲好刷摩天翮徂鑣試一攀

香憶傳崑號龜曾得寺名禽巢多越思海錯盡南烹接



食烏兒墮漫岡犢子寧正憐盃酒賤醉叟日縱橫  
鶴唳歸雲急龍移過雨腥桂清飄月岫槎老卧煙汀洞  
失壺公舊雲傳妙應靈不緣幽事隔小復理篁簾

共樂超然構躋攀一氣邊蒼茫雲水國清潤李梅天碎  
白淙崖瀑孤青煮海煙三神山自邈何至苦求旃

蠅蛸當戶綴絡緯擁莎吟詩魄干霄上棊魔攪海深忘  
機一飛鳥臧拙萬黃金昨有逃虛慰支郎下北岑

直東無際海萬水自朝宗沃日纔分燭浮天亦盪冒吐

吞何楚越冗長到魚龍好在乘桴客吾安議適從

遠寺梢清楚孤城咽晚茄稻畦眠淨淥榕逕愕懸地尊  
俎輝琮璧詩書執鎔鄒家家餘歲計吉貝與蒸紗

當日山南寺層樓挿蔽虧龍蛇絨柳筆風雨外唐碑梵  
淺雲吞液山稀海襯眉杖藜搯瘦鶴白髮茂林緇

功名慙鶚瞬龜組困鳴佻元結郎終漫劉安隱孰招客  
塵關簿領生計負漁樵賴足尊中物時將塊磊澆

傍海千塍稻由來穉稔蟠異時更虐颯中夕舞驚瀾竟

使魚鼈有不堪蛙黽謹嗟吾無急策坐視汝凋殘  
荔子綃囊插蕉花玉糝駢紫髯牽腰裊紺幘走嬋娟蕭  
寺千家幕蘭盆七月天壺公仙日月乞汝送流年

三縣園扉閩全閩道院傳夜濤慳夢寐晡食厭腥羶家  
塾儒風舊牢盆利孔偏塵埃如拂得定作海鄉仙  
雨露蕭茅泱乾坤燕雀微草萊鞭懶蟄廊廟集橫飛今  
者誠何補吾其孰與歸夜來天直北劍魄繞星輝

早發赴蒙縣二首

草露垂垂白溪泥脚脚深  
槿籬藏吠犬桑翳漏棲禽  
食  
七驚浮世鞭梢度寸陰  
利名么麼得會是死灰心

搖落秋無賴追隨月結緣  
褐衣寒未授櫪馬老先顛  
客  
思淮雲遠鄉魂越鳥邊  
荒唐故時叟曳尾想遺阡

贈謝民師

三語君為掾百罹吾厭生  
江山共鄉思蘭桂敵交情  
黃  
卷真無負龍淵恐不平  
何當改初服別約紐荃蘅

臨江

居然兩福地首尾限清江  
窗窳蘆洲迤晶熒石澗淙  
潑雲和穉稷割雨曉舲艘  
愁絕村南舍馴雞對小牕

贈李子從三十韻

落落將家子堂堂儒者宗  
虹蜺蟠志氣天地貯心骨  
秀霜含樹神清瀑掛峯才  
應過八斗業已足三冬燈  
壁曾聞鑿螢紗屢聽縫書  
從蒲葉寫詩向錦囊封醉  
犯乾坤揖吟將風月供揮  
毫珠錯落吐論玉錚鏦逐  
逐儒林虎昂昂墨海龍文  
偷韓吏部學切鄭司農雨  
露恩將及

風雲運正逢海深鯤定化霄遠鶴須冲汝乃今王粲予  
非昔蔡邕敬蒙修客刺特辱造賓壙遂闢膺門納因施  
孺榻容禮賢臺再築待客黍頻舂磨講詩千首歡諧酒  
一鍾笑談風對起論難劍交鋒篇什回環數緘題往復  
重共將諸子探同把異端攻聞見輸君博賡酬愧我慵  
便當思閣筆何敢更撞鐘堂舍經宵會琴堂累日從並  
行花縣密同坐柳陰濃出處漢四皓情懷楚兩龔淡聞  
君子水久見大夫松正喜陪談柄應難別去蹤短亭情

黯黯南浦恨匆匆負髮遊洙泗擔簦往辟雍相如行有  
日非久客臨邛

傷段謙叔失意二十八韻

場屋遺才日英雄失意秋薦賢無北海削迹有東丘未  
遂圖南志先貽敗北憂曠絃多誤奏卞玉却輕投西逐  
慙秦客南冠愧楚囚天亡非戰罪道喪是吾羞命薄聞  
歌鳳時窮見叩牛丹山摧鸞鷲虞坂困驂騑落日千行  
淚西風萬古愁壯圖沉草莽歸思動滄洲是理皆前定

非人可豫謀悶來宜自遣勢去不須尤消日碁千局忘  
懷酒一甌更宜思破釜莫便欲乘桴豹詎終藏霧鯨非  
可在溝此生如富貴未死合公侯子况才華妙身兼學  
業優文章思頓進志意素加修禹穴書曾探嵩山澗亦  
搜紗螢頻見聚鄰燭屢聞偷默記踰三篋疏通貫九流  
賦才肩賈馬詩格駕曹劉肯向清時廢須膺紫詔求不  
當三徑隱未可五湖遊齧臂盟須復題橋志必酬寧終  
葬魚腹誠合跨龍頭早弄書生筆當焚敗將舟也知男



子志未肯死前休

傷蔡文仲秋闈失意四十韻

側聽秋闈榜君名又不傳病龍頻失水倦鳥久驚弦有意期行道無人肯薦賢長沙傷鵬日西狩獲麟年失意應常理嗟君最可憐雙親堂上老三釜養中偏鬚有千莖雪家無二頃田甑中疑作空塵屢起囊乏罄長懸草木荒三徑埃氛滿一塵鶉衣傷子夏蝸舍病焦先雪冷衰安卧風清靖節眠謾誇五色筆不及一囊錢抱玉冤誰

雪沉舟恨自牽翼摧雲外鵠身絆駕頭鷗憤氣高冲斗  
悲號下入泉未甘為敗將猶擬奮空拳文喪思投筆膠  
稀欲絕絃悲彈三尺劍悶釣五湖船遷擯當修史雄閒  
合草玄張衡四愁什杜甫八哀篇臚別兵書作丘窮易  
道編文人從坎坷才子本迤邐得失誠由命窮通莫怨  
天不須吟澤畔何用餓山巔豹詎終藏霧龍非久在淵  
鵠侯高定中楊葉細須穿子况千人駁身仍百善全平  
生於傳癖終日被書癩容貌堂堂也曾襟落落然文章

追賈馬德行繼淵騫吐論崑崙決揮毫組繡聯字奇稱  
草聖句巧號詩仙身瘦文彌古家貧節更堅士流瞻若  
斗學者慕如羶自合升朝右寧終死道邊此來雖蠖屈  
前去定鶯遷鄒泰當重秀韓灰決復燃焚舟收後效破  
釜雪前慙誠願窮猶鬪何甘廢中權未應豪傑士憔悴  
老螺川

傷友人潘鎮之失意七十韻

念子多屯躓秋闈又背馳南陽龍久卧東魯鳳何衰別

足寬誰雪傷弓翅已垂有文須奪席無地可容雖破落  
三間屋荒涼四壁離平生萍蕩漾活計葉離披磬掛囊  
多乏塵生甑少炊饑寒妻擬棄憔悴嫂貽嗤行古時稀  
合身孤世早知盡應嫌學僻無不笑書癡讀已周千卷  
攀猶滯一枝鷁因風緊退蘭為雪深萎下璞羞空獻齊  
竿嘆失吹未為橫薦鴞又作曳泥龜東國頻遭黜西山  
獨忍飢皇皇行澤畔寂寂卧漳湄應下傷麟淚還牽感  
鵬悲著成孤憤傳吟就八哀詩道喪誰開眼愁來自皺

眉迤邐真命也險阻屢嘗之清廟含三嘆明時動五噫  
野歌成匪虎磯釣本非罷事故多如此心休苦怨咨都  
緣名是累須用道為醫破悶無如酒消憂莫若棊忽同  
楊泣路休效墨悲絲得失皆由分窮通自有時海深鯤  
化早天遠鶴冲遲子况多能者身懷可致資九河流疑作  
疏劇辭萬馬走雄辭學似彫龍巧文如吐鳳竒五車書  
並覽三篋記無遺解辨魯魚惑能分亥豕疑博聞探禹  
穴多見識曹碑行止珪無玷周流玉不緇經明人盡仰

才大士爭師名價關西振儒風稷下移生徒若市來  
者被當作成帷天道如將復人文未喪斯定伸膏澤志

入侍帝王墀豹詎終藏霧蛟非久在池青雲如借路蹇

步足通遼定補千裘疑作腋寧由五穀皮冠彈思貢禹

舌在憶張儀已往雖非悔方來尚可追此生當富貴未

死屬男兒顧我誠荒廢蒙君愛保持杏壇齊出處槐里

久參隨情荷椒蘭契言蒙藥石規琢磨朝切切講誨夜

孜孜小大鐘容叩高低仞許窺開談發吾覆飛辯解人

頤較藝思焚硯交鋒擬樹旗奚斯晞考甫子貢服宣尼  
共有亨途約俱懷遠到期精誠甚膠漆酬唱越墳簾本  
謂同游處何圖有別離身從來嶺表音逐隔天涯荏苒  
年光換回還氣候推暗驚時倏忽屢見月盈虧故國書  
迢遞他鄉路嶮巖登高魂欲斷眺望力應疲側望魁鄉  
薦夫何擯有司臨風心惻怛開榜淚淋漓場屋非收子  
文闈更薦誰主盟寧至當提掖豈無私盡指珠多類咸  
疑玉有疵叩天身患遠叫帝泣嗟卑寫恨憑精衛聲冤

付子規彼蒼不可問徒積故人思

題仰山二十韻

維南斗牛下萬仞聳崔嵬日上光先占江盤勢却迴一  
方蒙雨露幾處對樓臺不逐秦鞭去曾經禹載來雲生  
風慘淡冰泮谷喧唳險外煙嵐變深中洞府開巖花春  
灼爍溪鳥暖毳毳飛瀑含清籟乖龍走疾雷平川蕭廟  
闕半腹鄧壇摧蕭公兄弟廟在山下鄧表精縕瓊瑰寶  
昔於此上昇山有壇存焉

奇鍾杞梓材僧軒宜薜荔樵徑怯莓苔旁睨龍洲橘前



瞻庾嶺梅仙經饒地脉賦筆讓天台神物多靈貺農田  
少旱災隱居須獨行吟咏亦難才何客能依止伊余敢

語哉一麾成繫滯四友阻遊陪

謝靈運與族弟惠連何長瑜荀雍羊璿之共為

山澤之游時人謂之四友也

未脫紅塵累徒嗟白髮催夢頻生枕席

賞每倒罇壘預恐瓜時代圖歸作醉媒

覽唐元成詩因而有贈

欲識君詩格飄然人所難清風生玉宇白露滴金盤吟  
嚼充腸冷披開繞坐寒迴無脂粉氣字字是琅玕

春日舟中即事

墨綬蠻鄉去青春瘴海行  
陋篷愁暴雨小艇畏長鯨  
灘惡舟難渡風狂浪易生  
不堪江上笛時送兩三聲

讀汪都講邵宮教擬試賦三十韻

文效追前日詞科急俊民  
儒風穆漢殿家璞走荆珍  
汪邵推高手卿雲想後身  
爭移初律暖競撥老根陳  
睥睨三都上吹噓七子隣  
龍蛇開蟄戶河漢洗天津  
堂室誰升入詩書迭主賓  
剗犀鋒自倍徹扎手彌親  
鼓吹丘軻

外波瀾屈宋新巴歌徒里耳燕石謾緹巾美觀圭聯璧

和聲鼓間錚駸駸新歷塊

邵

喔喔舊司晨

汪

爽實啞烏

有阿時陋劇秦鑿愁神秘露搜恐物華貧楚劍雙干斗

吳娃幾學顰飛揚逼場屋旁午動簪紳傖父幾焚硯脩

家舊有人珠驚對還浦角豈獨推麟價比千瓊玖文成

一欠呻鼻端論妙斷使外得周詢布瑞雲敲鼎連深鯉

挂緡豈徒矜羽獵直可絢郊裡宛是隋唐舊何分雅頌

真兩眸寬病客一氣到洪鈞捉卷時湔掌沿涯屢耗神

爰居泣韶濩嫫姆駭蛾螭愜興誰爬背長哦獨哆脣傳  
夸歸有恃羞縮死將濱讎校三千士蹉跎九十春岐周  
雙鷺驚不省至何因

七言

次韻奉酬邵美中奉議示同舍

真太忙生苟一時野情幽事每交馳同舟濟者聊傾蓋  
吾黨歸歟盍指期風日頻開友顏笑珠璣間出洗愁詩  
小儒坐耗大官食羞學飢猿嘽兩頤

覽邵美中擬試賦出詩三十韻紀之邵有詩謝復  
次其韻

重棘初無課最書春風破卷得三都千尋傑氣干霄上  
一片降心免胄趨藏室森羅公柱史附庸么麼我顛兒  
正緣好語遙推借跋扈猶能特百夫

試院次韻奉酬趙達夫記室惜春之什

風酣雨軟裊簷絲端負吾人痛飲師使者嶺梅傳信遠  
王孫芳草怨歸遲釀成紫府無端夢開到朱欄第幾枝

欲問東君挽流轉，顛狂好在曲江詩。

酷愛春如蜂蝶迷，還憂青帝學班師。愁城恨壘挨排到，

酒約花期賭當遲。端負江湖歸去棹，最關

一作憐

桃李別

來枝。松丸暖動蟾蜍滴，消殺風光盍付詩。

次韻酬朱充仁示同舍

絮撲花然鑰靚深，物華看即滿層陰。魯魚是正成何補，  
鷺燕勾牽著底禁。聲迹汾畦連漢鼎，報投綠綺間南金。  
到家襍事應非晚，孤劍懸知出水心。

張壽翁朝散有詩紀同舍名銜錄次其韻

柳茸無力杏燒紅春入愁腸不散窮千佛經慙名姓入

一尊酒愜

一作美

笑言同寫成懸圃新聯壁分與秋風舊

轉蓬好樣醉鄉拋擲却百錢輸與杖頭翁

貢院奏號奉呈同舍諸公

朝來甲乙去聞天喜色胚暉淡墨前干斗已應千劍躍  
搏風誰是一鵬騫路歧穩步青霄近閭里傾心古語傳  
收拾春光終未晚爛遊端屬綠衣鞭

晉之太博同舍常愴六世外祖鄭氏苗裔中絕曩  
訪得丘墓所在歲時享祀不輟鄉里化之因有詩  
紀其事謀弁屬和云

綢繆霜露他時感零落昆雲幾葉孫原上有封吞馬鬣  
道邊無石認羊躡黃梁暗換塵勞世白草重歸血食魂  
未論紛紛悲往逝的應凜凜愧生存

次韻和汪道濟都講惜惜吟

錫製溫體器也  
汪強名為惜惜

溫柔鄉定虛言耳爐火功真長物哉疑別有天春不老



知誰為雨夜曾來滿  
移妃子三湯夢暗奪  
仙家一息胎  
燕玉浪傳思暖老  
箇中消歇幾沉煤

題福州黃檗山確禪師息老堂十韻

頃來法席如師少  
老去生涯似此無  
直寄天年謾龜鶴  
聊收化日到桑榆  
蒼環作抱三臺壯  
縞帶明空一水紆  
時拂東齋壞雲衲  
更開南粵隱居圖  
買山支遁初無費  
示疾維摩本不徒  
夜雨龍腥飛別澗  
晝煙禽哢落高梧  
齋餘短捉清生塵  
坐久柔團暖稱蒲  
三樂榮期猶俗物

二毛潘岳信拘儒  
禪林彪虎新眠熟  
覺海烏藤舊攪枯  
不學昔人悲唾遠  
已將茲世脫魚濡

送林錫遠帳勾罷官北引二首

有引

錫遠帳勾罷官北引  
吾其執也義不得束  
味輒賦送  
行二篇云

五月角黍江南天  
驪駒送客黃金船  
悠悠別思不足道  
去去宦情如欲仙  
青萍由來異死鐵  
綠綺未易論膠紘  
強懷為君歌短什  
壯圖輒勿輕流年

由來不敵是清才尚喜相逢契此懷直把唯阿平笑語

便將爾汝外形骸吾身方愧猿拘檻

無補學舍

君事何疑箭

挿鞞

磨勘有日而學者員溢

天子聖明思急策試論弊事決陰霾

### 招季山還家

蕭條門巷未足愧晚晚歲時胡不歸綠葵白芋故園老

黃頷頰尾前溪肥浮名莫羨風過耳久客可憎塵滿衣

元本作  
涅衣

約君對擁當戶榻聊割一畝

京本作片

秋蟾輝

### 早發襄邑

迢迢汴水吞窈冥白榆多於天上星林梢碎漏月痕白  
草頭冷泣螢腰青雲霄九重近在目鷓鴣百翮誰趨庭  
雞聲馬蹄正立敵斷送垢褐疲吾形

夜泊建溪豐樂驛前三首

坐看雲葉洗昭回磴束天仙玉宇開水染東甌清到骨  
客傷南浦醜於醜雪萌正薦澆醒笋粉色渾藏艷眼梅  
稍覓暗芳窺熠燿更從白石認毳毼

髮髮彪弁吹頰鬢戢戢懸鴉戒早寒漂泊昔遊堪冷笑

悠颺短夢迫驚湍霜潭傲險蒼蚪嘯月磧牽波翠篠團  
十載南冠歌一葉背人功業底無端

溪靈覓罇吹灘聲削木刺波舟逆行問津候館得豐樂  
回首洞天無玉清愁看迂纜疊石子快是隔篷眠水晶  
兒曹燈間動喜色甌有滑白長腰粳

贈邑宰唐志行長官

頭骨挿犀冰照顏曾襟元自漲清瀾吏歸申午緣無事  
民卧田間識以寬晤語早傾程子蓋評詩尤一作逼杜

公壇如論妙譽無留賞合向驍壺作倚竿

清真觀步翠閣

飛梯倒挿玉蟠螭危檻別刻青芙蓉送涼野水舊涵竹  
借色春山擬滴裾王喬過鳧可坐揖蕭史鳴鳳徒紛如  
眸子欲酸跂予望弔世清淚橫方諸

清真觀清軒

向背仙宮總闢琳

一作  
僻林

茲軒仍出古城陰千年曾史長

存魄一片巢由不染心秋閣雨高

一作  
餘

天洗翳夜涼風

軟月吹金冰壺早訝貯人世况復隔溪葱蒨深

清真觀齋軒

物理相懸能幾何是非得喪了無多仙家日月閒庭戶  
人世深沉寄唯阿櫺櫺曉聲來雜珮連漪春霖漲青羅  
箇中故有天倪在持語流光任擲梭

月波樓

玉臆冰魂萬頃連曲欄仍在斗魁邊浮天自作通津去  
洗客終疑爽氣偏不比尋常閭水墨最宜三五好嬋娟

翬飛穩蘸明河接更擬憑虛逼島仙

賀氏怡軒

盤薄簷牙紫翠間正緣天屬得恬

一作怡

安已聞名教兼

三樂况有家聲到二難棠棣萼留春色好鶴鴒原占洞  
天寬友于誰復知真適拾穗榮期似太漫

建德縣作

銅官南部號無事煙火蕭條數百家令尹印章希搭紙  
里胥邦賦半催茶山稠別恨番君國潦暗疑通海客槎



石磴落當蕭寺面冷渠清絕好生涯

新開湖詩

輸寫由來未易窮渾疑天作水仙宮浩無邊際藍吞野  
散作霑濡雨卷空末口潦收秋漲縮汙溝波泛暮潮通  
會當揮楫乘高興盡把塵纓濯此中

平鋪縐縠幾千尋瀟洒由來爽客襟天借月華來海上  
地蒸雲氣出波心魚鰕澤國拋殘玉燈火船窓點碎金

聞說蚌胎無類顆又憑風力舞秋陰

湖有大珠天晦暝  
漁者即之輒失所

金  
在

卷七

送廷允決曹解官舟行赴闕

由來佳掾推三語故有能名擅一方  
投分稠人期李郭  
平心他日到于張  
囹圄盡洗沉冤魄  
貫索時分入夜光  
舉世謾嗟岐路澁  
只今騰踏見飛黃

春江活碧染衣濃  
鬧櫓初挨鷁首東  
岸柳躍絲金稍重  
渚梅收糝玉全空  
腐儒糟粕迂踈後  
上客風雲感慨中

好訪瀛洲綴仙客  
家山

一作水仙

無苦夢壺公

次韻酬

束書歸伴鶴頭鉏  
贏得髭根未雪如  
春剛有田皆杜鄩  
曉窗無岫不衡廬  
糟牀最與天真近  
魚沫何妨世態疎  
韜足龜腰負芝朮  
因君特地愧三餘


次韻表民偶作

紛紛儀覆與秦傾  
何者竟為吾道行  
物外金朱猶土梗  
興來詩酒亦功名  
夢同秋棧縈紆入  
分比春蘭馥郁生  
他日未宜輕感慨  
勸人歸是子規聲

贈致政曾宣德十二韻

自得逍遙物外情，肯將冠冕謾勞形。  
門前始種先生柳，斗下重添處士星。  
文豹霧中誰逐逐，飛鴻天外自冥冥。  
最憐孤竹人高卧，却訝三閭客獨醒。  
放曠七賢林下洞，棲遲六逸水邊亭。  
和煙買得花栽潤，帶雨移來藥艸馨。  
鳧舄印殘蒼蘚綠，蝸廬築破遠山青。  
消磨日月碁千局，笑傲雲霞酒一瓶。  
隱几旋成招隱句，披衣新看養生經。  
小軒靜把琴開匣，幽苑深將鶴剪翎。  
明月有時來竹塢。

紅塵無路到松扃幾多九老圖中景都為丹青入障屏



龍雲集卷七

欽定四庫全書

集部

龍雲集卷八至十

詳校官庶吉士臣吳烜

侍讀臣孫球覆勘

總校官進士臣

朱鈐

校對官主簿臣

郭祚熾

謄錄監生臣

徐葆

欽定四庫全書

龍雲集卷八

宋 劉侁 撰

律詩二

上金陵黃尚書安中二首

南來踽踽拜前塵雅倦仍從轍鮒新  
四照色溫初似玉一時恩到總成春  
非如學者論糟粕須信人間得鳳麟  
况有珠璣長滿把冥搜終恐物華貧



千毫回斡自無旁逸勁仍聞仗石梁黃卷素心因事見  
空門真味與閒長扁舟尚錄衣臨汝清酒無論顧建康  
五載轉頭歸一瞬門闌依舊笑羝羊

和安中東樓會飲

岩堯飛觀決層雲主意全傾合坐賓談笑龍岡下白日  
衣冠麟閣識功臣欲窮人目逢山好未老秋容到酒醇  
忍對南鴻問寥廓沉冥誰是蜀莊珍

和安中鐵柱留題

隱然平地起嶙峋，千古春波此與瀕。  
九牧貢金殊夏后，三泉下錮笑秦人。  
力回坤軸陰機壯，妙灑銀鈎榜墨新。  
欲識當年鎔鑄意，莽蘆疑終恐更非真。

王公濟四美樓

寸心不與一物隔，遠目自為一作將千里期。  
便共溪山有

情分更緣阡陌識，參差層雲異日雖。  
輕舉獨鳥長年可俯窺，緹綺到家春滿眼。  
庾公清興不應衰。

王公濟蘭茝一作亭

陵

亭

金川正居 卷八  
問里傳驚飽物華此亭真是一生涯人知菽水歡終異  
地比蓬蒿徑自佳歲計黃雲千糶極春心青玉幾龍蛇  
不須分外開新畹故有兒孫敵謝家

季倅惠詩次元韻酬謝

寸一作健毫揮灑敵連城想見仙標白玉京周鼓直須論

妙刻陶琴初不費煩聲他年浪許曾窺豹此日誰堪與  
濯纓寂寞蓬茨今有助病軀那復愧登瀛

再次韻和酬

俗眼紛紛少得青，獨君襟義富<sub>莫一作京</sub>坻。  
驚巧持鼓雷門，浪費聲正喜珠璣。生咳唾，敢期茅絕被。

九曲池

昔帝檣烏下，日邊曾留清蹕。此踰躐魚龍窟，暗浮春漲。  
鳧鴈行低，破暝煙星閣，摧頽空歲。月蕪城埋沒，舊山川。  
後庭一曲陳家破，更看當年水調傳。

堵節

踏踏年來誰寄聲  
靜搗筇竹了無營  
照衣簷竹露逼冷  
過耳海潮風送清  
豈有稻梁驕雀鼠  
終慙醅酒費瓶罌  
請纓自是男兒事  
吐吐胡為過半生

和重陽感懷

又逢佳節破牢愁  
天卷微雲盡放秋  
一水孤飛臨汝漿  
幾人清興庾公樓  
螢膏亂試林塘點  
蠅陣微收几案稠  
黃菊紅萸滿烏帽  
椒丘誰是醉鄉謀

次韻酬錫遠孤坐有懷

白簡差差長蠹魚強顏那復計三餘長波不洗客愁去  
脫葉似將官况疎行樂醉鄉金欲盡投身老境歲還除  
因持舊史論窓燭大半功名不是書

次韻和劉次公以詩見贈

格老辭嚴趣復新百篇洗眼盡驚人喑鳴自是東騷將  
瀟洒疑非閩閩身快甚天星秋炯炯富於倉廩昔陳陳  
終慙不敵齊呀喊敢議看羞與栗榛

寄堯率悅禪師二首

三峽當年一錫飛，祖燈曾是密傳西。  
示徒端的只消指，灌頂分明別有醍。  
秋衲擁雲驚曉榻，病髭鑷雪照寒溪。  
知誰解吸西江水，賴有孤一作孤禪覺衆迷。

篋輿曾約下山顏，白足塵緣等是慳。  
貪為水雲留物外，

劣一作肯容紙墨到人間，銀潢一掬愁枯肺。  
金鑰千重想

上闕病容此身似，籠鳥何時一作不應毳衲對爛斑。

次韻酬何伯修見貽

學非歆向擅家聲，僮指仍慙左蜀程。  
夢月自憐名舊識，

屠龍何補技先成，悲纏風樹新創鉅心折。家園獨鳥驚  
樵斧，漁竿有真趣，不應隣叟怪逃名。

次韻酬何伯修

廣場較藝號肩摩，筆挫千人敏若梭。共喜此聲傳烜赫

直應無物

一作計

避爬

一作包

羅雅音尚汨多哇，鄭荆璞誰

收明

一作

屢獻和洗眼，今看色絲語快於執執。濯東

一作清

波

次韻酬譚履常送致政徐朝奉



拔迹朝闈太早生不容餘蘊付功名肯緣簪紱重回首  
似共林塘別有情恰恰冥鴻如素志來來敝屣薄浮榮  
留賢無有公何恃贏得桑榆慰此行

王適中

一作通直

渝飲約以詩招之

別君倒指倏旬日顧我搖心如旆旌滿引未應勤上客  
高談聊欲破勞生望梅終恐難酬渴挹露懸知別得清  
咫尺履綦猶惜到可能無復故人情

送致政吳通直

黑頭貪作隱中仙，高謝清時五兩綸。  
物外收將閒日月，人間歸去好溪山。  
二疏等作揮金計，通直伯氏前此亦以朝請謝事五柳猶遲倦鳥還。  
多少有車懸不得，規規鐘漏亦胡顏。

謝何舜庸見借畫舫還鄉

好樣

一作漾

江邊青雀舫，愧君暫借不相妨。  
帆檣縹緲青

天近，窻戶玲瓏白日長。  
濃綠迢迢春到水，衰顛種種客還鄉。  
却應耆舊遙知羨，况味渾如臨汝郎。

次韻奉酬何舜庸寄酒

寄來何啻十千價置處曾非六一身自慙無足斗筭筭  
暫見已覺神形親它年換得青田核此日吹回紫府春  
翦却愁根真外助不妨功勝齒亡脣

贈致政李元古二首

二本作原古

撫任委蛇四十秋翻然歸作赤松遊無瑕舊是千金璧  
不繫今如京本一葉舟舉世風霜空末路此身芝朮最

良謀新篇晚更追騷雅何計從公乞愈頭

興味高於鶴在雲去留初不掛毫分鄭公鄉里新門巷

謝氏芝蘭好子孫瀟灑笑談寬日月優游在世傲乾坤

隣

京本作  
作憐

翁盛說

京本作  
舊况

歸歎羨曾是當年朱兩轡

贈吳伯玉二首

少年騰踏屬騑駟骨相踈明玉照秋溢口猶傳舊令尹

豫章聊半古諸侯一官身外

一作  
世上

真無負百故曾中自

不留論薦由來公道在誰將卓犖到需頭

瞥

一作  
輕

去門闌兩換春標規仍愜此來親能

一作  
似

將官

况為

一作  
歸

餘事別有陽和到後塵袞袞何妨流水淡紛

紛誰數白頭新擬論一報歸一作思地愧我猶為藥一作

無由棘人

羅漢系南長老

一本題云羅漢大禪伯南公  
吾十年前舊也因以詩遺焉

諸方喉舌卷春容直指慈幢信長雄翳盡全開捫海月

清多平挹洗天風相望一作震旦傳衣後別寄西兒妙

斲中好把一作沃洲論今五老蹶然重此一作得支

公

送螺川張太守三首

時請宮觀  
寓居瑯琊

西南五馬照青螺衆惜班春未幾何綠髮桑榆收太早  
青雲歧路剩來多仙家職事清閒好逋客林泉取次過  
正恐此身休不得再看鄒律起陽和

涼颼一水漾清虛畫鷁翩翩北去初暫把壯圖收紱冕  
只留和氣到一作滿閭閻海邊有夢通琳闕物外無心挂

隼旟寄語琅琊好泉石使君不是賦歸歟

和吳伯玉九日同會

上林曾共見鶯遷五百英豪氣戾天闕在並存嗟白髮

成空半已鎖黃泉菊花醅同今日桂籍風流記舊年  
愧辱新詩無以報誤煩褒筆比青錢

次韻酬張高佐

跼迹青輪木不春洗君眉宇海津津江湖隔潤青螺夢  
歲月飄零北固身俯仰未應羞彼俗漱銜仍喜屬吾人  
嚼螯擘殼懷哉樂又作秋風一笑新

清涼法和禪師

東南誰是識彌天覺海烏藤攪欲乾金色鬚彫飛妙吼

雲間頭角傲秋蟠  
觚稜勢逼嶙峋去  
杖屨陰回矗補寬

十載洒然

一作海峯

重洗我一襟  
通底是清瀾

陪王純父醺歷陽連雲觀

天門八公二山名

天門直北八公西  
杏栢

一作棟

梅梁脫蔽虧  
金葉卷空飛

鳥影冰紈浮入茂  
林姿裁雲麗服  
淮娥踏屐齒  
紋牋楚

客辭十二玉簾  
渾軸水瘦龍捎  
月叫參差

一云廣寒宮  
闕碧參差

### 江館三首

山川定出書意外  
魚鳥自閒眠對時  
艇子黏天歸一葉



濤頭吹雨落千麾截波尚欲論孤劍應容初慙乏大兒  
聽得漁郎隔溪語夜來秋色暗江蘼

無塵一境好仙去有夢九秋應鶴知弱篠嬋娟藏別塢  
野紅高下補疎籬秫田百畝堪供酒繪手千刀間憶鮑  
未愧鏡湖誇賀監聊將星管覓桓伊

連雲草樹縱橫暮點水鳧鷗黑白暮日晏厨烟青一穗  
暑餘牕雨暗千絲飽聞楊惲生行樂懶賦張衡我所思  
軟碧會須連月占恣看飛檝界琉璃

贈高郵尉郭奉世

好樣仙曹斗野西不將顏色傍人低  
由來曾腹開濛汜故有篇章照黑當作赫  
疏采捧掛門虛晝警鷓夷浮客趣  
秋躋風胡去世純鈎螫誰取吹毛墜鷓鷯

靈鷲寺

寺有光相洞

蠹粉侵侵

一作稜稜

抱繚牆佛祠仍是舊仙鄉晴雷殷地溪

聲轉頑橐吞空洞脉長且過客分雲卧冷臘高僧煮澗

毛香須知刺得天龍護別繞森嚴十萬岡

光相洞

仙客當年蛻塵土洞天此地老煙霞頃來雞犬如無跡

裏一作許山川別是家遼海不歸千歲鶴武陵頻換一

番花可能七上胡麻飯變得勞生兩鬢華

自竹巖至杉溪

曉尋葱蒨踏頑雲越俗閩風雜楚民天窄定藏巫峽雨

溪深疑有武陵春驅寒萬籟爭奔壑競秀千峯自逼人

斷送殘年歸馬首却羞頭着故綸巾

送狄太守清明日燕莆田共樂亭三首

一云陪彭安行龍圖

青幢翠葆抱參差，浮客黃金鑿落暉。  
一日山川如得主，兩眸天地不藏機。  
華胥有國真稀闊，齊物名篇孰是非。  
澁道直西暄絳蠟，卷空簫鼓使君歸。

赤白觚稜插戾翰，東南重此識多盤。

音般

起從海若三山

外分得壺公一境寬，世事升沉隨過鳥。  
物情瀟洒屬層巒，畫圖恐是天拋擲。  
乞與莆人恣展看。

他年勝踐歸林記

舊亭有林子中記

大半豪誇落蔡篇

亭有蔡君謨詩

快甚躍壺窺日月，恍疑枯海變桑田。  
觥船照客吹紅液，軒檻嬌春撲紫煙。  
到得無雲一作天雲剩寥廓，此身仍在鳥飛邊。

宿泗洲院

羸駘戢束來，閩嶺晚歲崢嶸。  
宿泗洲一縷蟬聯，通鳥道萬鞵層。  
疊掛民疇林標入夜，梢雲梵暖色先春。  
動毳裘誰把地祇金鑰，掣踏開行客古今愁。

建州試院次韻和林原叔監試

鷺袍粉白筆摩秋，餘地爭看衆刃游。  
堅壁賴公專細柳。

得壺如我愧中流僕姑此日先穿札綠綺何心曉報鏐  
恰恰豐隆通蟄戶論功相與副旁求

出試院次韻和酬鄭通直二首

吏役區區病足酸愁聞三十六盤山

建安道中有山號三十六盤

偶

從物外抽身去又作人間行路難主意十分濃一作似

酒客心一縷急於灘夜光莫道無因至已與扁舟洗眼

看

百粵東頭倦客身秋風溪澗正堪論塵埃洗盡生風語

粉黛仍傳到手罇吹劍自應超世味曳裾誰復羨侯門  
臨流更擬張胃膽終恐精微未易言

芝山

當年曾此爛芝英山半樓臺蠹化成一點有情懸客望  
三休疑路與雲平冷吹蘿蔓陰晴變景落魚龍窟穴清  
擬禿謝公前却履生憎併日計江程

澄心亭

心本虛明亭更幽亭澄心外復何求高堂挂鏡來斯照

素月流天翳盡收道力定僧堪默對我忘吟客快冥搜  
風藩不動玻璃軟十萬人家一色秋

贈饒倅陳朝奉二首

時陳權知郡事

畫戟東南第一州番君斥大漢家侯王祥別乘開風采  
顏駟潛降識滯留笳里豪空兩獄發劓刀刃失金牛  
昨聞鈴閣仍豐暇身臥雲濤最上頭

早窺安定先生典

君胡先生門人

晚刻慈恩塔下名宜有爾書

旌治狀飽聞玉筍數門生紙翔市價抄書癖壇逼詩流



覓句精

闕

次韻陳伯模見贈之什

秀語驚人自昔年，津涯今見浩無邊。  
情逾玉璧虞卿贈，味賽鯁魚宋帝便。  
易駟始慙中且下，麈尾信是一當千。  
端應消得鄉閭賀，橐褚新藏朱鷺篇。

白鷺亭逢胡仙尉晉侯二首

漲天絲雨欲肥梅，江上相逢秀色開。  
白髮十年歸夢寐，青衫一笑洗塵埃。  
雲邊活碧山圍健，汀末踈明鳥陣回。

獨向稠人見高義此情須敵萬瓊瑰

老雄冠距舊鳴將他日文闡果擅場聊佐縣章紆墨綬  
飽聞家學富青緗占春桃李須慙早駐日桑榆自審長  
流水高山空逼耳有誰論列到需章

遇合肥會黃天倪

白狼峯頂共留連一紀于茲剩四年事過已如炊黍夢  
鬢催難着買春錢飄零慙一作暫說相思駕洒落仍傳到  
手篇梨栗果盤魚蟹飮况疑身世上通川

上王提刑二首

峩峩名節重於山，舊作朝廷耳目官。  
鳳闕幾聞隨仗入，龍顏曾許捲簷看。  
昔年白筆驚人凜，今日清風過嶺寒。  
直指近來新有例，出疆回使侍金鑾。

獬豸冠中筆罷簪，却乘驄馬出駸駸。  
手提國憲風霜重，口布王言雨露深。  
古劍夜光疑作無衝斗氣，甘棠春有遶

庭陰澄清好，把冰壺水洗却天涯濫濁心。

贈致政劉大夫

一章飛達九重天，求解黃堂石二千。  
甘守綠園三畝宅，肯貪紅藥八花磚。  
利名擺去灰心定，功行修來月性圓。  
尤喜掛冠歸第後，生涯非欠買山錢。

贈連州致政蔡宣德

挂冠歸慕赤松遊，不羨金門萬戶侯。  
一枕清風三徑曉，滿船明月五湖秋。  
冥冥宛若高飛鴈，泛泛渾如不繫舟。  
幾向夜深南極望，老人星見照連州。

贈致政魯宣德

何得清時便挂冠歸來高臥水雲間一輪白日易催老  
百斛明珠難買閒行止盡將隨野鶴生涯都付與青山  
庭前烏影高三丈見說朱扉尚閉關

送友人赴省

佩劍攜書入帝京秋容如畫照行程三千道路雖迢遞  
萬里煙霄絕坦平丹漢風高鵬翼健曉天霜淺馬蹄輕  
好將擲地金聲賦奪取前春榜上名

送友人赴省二首

飄飄勒馬出城闌  
篋裏還為席上珍  
荆玉始分三獻日  
瓊林終折一枝春  
驚天動地文堪擲  
捉月拏雲字定伸  
正遇漢庭新用賦  
子虛須屬茂陵人

久蘊驚天動地文  
乘秋得志正逢辰  
青錢萬選終須中  
白玉三投始辨真  
鸚薦北聲鄉貢日  
鶯遷前試帝城春  
漢廷方尚春秋學  
須作平津第一人

冬日呈郭明遠二首

騷雅亡來幾百年  
不圖今日見君篇  
道豪壓倒元才子

清麗追回李謫仙  
風月吟窮三寸舌  
江山歸欠一囊錢  
此時長嘯出門去  
但覺遶梁遺韻傳

底事遑遑不見容  
秋來又見走西東  
四時花月搜吟內  
萬里江山險阻中  
歸去但應存舌在  
愁來莫更笑途窮  
從今賈馬休談詠  
恐起霜天刮面風

春日送簽判陽承議

春山野思萬千重  
那更江頭來送公  
別淚滴流紅杏雨  
離情搖曳綠楊風  
一枝易遶南飛鵲  
隻字難憑北塞鴻

惟有感恩情不斷夜深長入夢魂中

春日送林推官

送君南浦忍分襟注目春江煙水深思亂似雲無所著  
情濃如酒不堪斟杏花燒斷離人恨杜宇啼穿去客心  
別後願為深夜蝶翩翩飛夢去追尋

贈柳秀才三首

應被功名誤一身卜居歸就水雲耕詩題招隱有誰和  
賦奏閒居獨自成三徑蓬蒿貧處士五車經史富書生



幾回醉後顛狂甚便擬騎鯨上太清

奔走文場十載勞歸來三徑滿蓬蒿  
麟窮西狩人誰念龍臥南陽節自高  
貧裏田園居四壁吟中風月筆千毫  
早知今日詩書誤悔不當初學六韜

萬丈飛泉落筆端源流渾覺海波寬  
若非學造淵騫寢焉得詩登李杜壇  
文苑春開紅芍藥詞林秋削碧琅玕  
篇成底事猶多困只為名高折却官

題蓮花市客肆壁二首

男子謀身豈易知，魚鰕燕雀莫相欺。  
蛟龍翻海非無日，鴻鵠冲天自有時。  
直把寸心希孔孟，終攄餘蘊繼臯夔。  
當年張禹荒唐輩，猶作炎劉帝者師。

片心長是樂清虛，一到蓮花喜有餘。  
柳倚古溪風不斷，路迷芳草客來踈。  
樽無美酒難浮蟻，手有文竿未食魚。  
細草晚天時躍馬，紅塵無復上衣裾。

真陽阻水

真陽城下漲春濤，船覆車摧滿眼愁。  
泛泛我非援溺手，

滔滔誰是濟川舟一城直恐為魚鼈四境何緣辨馬牛  
焉得長鯨浮到海吸乾狂浪得安流

春日舟中即事

不因門有北堂親肯泛孤舟瘴海濱萬里江湖愁去客  
一春風雨厭行人花朝水國留題懶月夜鄉園入夢頻  
每被煙波驚破膽却思雲石自由身

春日舟中喜晴三首

霧歛雲回雨脚殘衣單猶尚怯朝寒煙塵暗處江山窄

日月光來宇宙寬  
漁棹不憂灘浪險  
客輪惟喜路程乾  
關關珍重梢頭鳥  
每到晴中語亦懽

久厭梅蒸蠹客袍  
一逢晴色喜淘淘

疑

嵐煙散後青山

出海霧開來日月高  
四海廓成清世界  
五湖消滅惡風濤  
九衢來往趨名者  
遂免泥塗僕僕勞

安得繩絲萬丈長  
絆留鳥影在扶桑  
三春厭倦泥塗走  
一旦親逢日月光  
山有晚煙青鬱鬱  
天無陰霧碧蒼蒼  
兩餘更荷風相照  
吹送殘花滿院香

題清風亭

四面無塵一徑深  
嵐煙吹盡好披襟  
寒生醉榻宜春睡  
冷入詩憲豁夜吟  
坐有清涼非待扇  
夏無煩惱不須琴  
冷然試把闌干倚  
頓起飄飄物外心

題韶州宣溪亭

片帆西下泊江亭  
風物蕭疎慘暮程  
山色尚疑遷謫恨  
溪流猶瀉怨嗟聲  
一朝逐客仙舟過  
萬古行人玉筯傾  
不待鷓鴣啼落日  
自然臨景易牽情

題廣州浴日亭

誰識咸池萬頃中源流窮處與天通  
氣蒸古木千巖曉浪拍扶桑  
四遠紅焰焰驪珠初出海騰騰鳥翼漸摩空  
不須更問乘槎客只此波間是月宮

海山樓晚望

登高懷遠思依依目斷滄洲舊釣磯  
城上兩三聲畫角天涯千萬里斜暉  
煙抽綠草隨洲轉風遞輕煙貼水飛  
到此自然堪下淚不須啼鳥勸如歸

春日即事

歲月催人誤壯圖，風清官况強支吾。  
春來酒病尋常有，老去花迷大殺無。  
慵裏盛添詩債負，閒中贏得睡工夫。  
誰知到此扁舟內，白面書生瘦矣乎。

舟中驚夏

牡丹纔過石榴開，歲月驚人老易催。  
一面紅顏春遞去，滿簪華髮夏催來。  
蠅頭利祿徒勞耳，麟閣功名太晚哉。  
不必更增川上嘆，及時行樂且銜盃。

觀劉禹錫題湟川記

誰道連州海瘴邊只消禹錫一雄篇  
江山草木皆增價風月煙霞總直錢  
十二亭臺塵外境一千疆界洞中天  
自經大筆留題後從此湟川勝洛川

贈錢承務吟翁

何事新霜上鬢毛從前都爲作詩勞  
老松經歲材方勁古檜吟風韻更高  
可播管絃升樂府自堪奴僕命離騷  
冥搜直到窮源處驚得神啼與鬼號



題清漪亭

平昔江流清得名只今池面勝江清  
人間有鏡磨秋骨  
天上無宮敵水晶  
月借嬋娟相表裏  
路分瀟灑入逢迎

會雖

當作須

飽占銀潢魄  
莫似滄浪濯垢纓

龍雲集卷八

欽定四庫全書

龍雲集卷九

宋 劉弇 撰

絕句五言

次韻譚令尹茅庵十詠

雲卷公餘迹，鋒藏用外神。  
故將容足地，聊學坐禪人。  
物華他日好，歲月箇中延。  
欲識無餘事，纔如一指禪。  
歎風青萃萼，浴月碧漣漪。  
僅比蝸廬客，肯慚衡泌詩。

訟少聞羅雀

令尹下車庭無訟

囚虛識降神

前此神見燈於垣以驗囚之弗直者

囚情卒得借令濃野興不負有民人

所借非佗物能忘是此心絃歌時一到駐作武城音

到佛元非定如仙等是家了忘名利戰秦晉謾彭衙

暫爲陶令結

陶詩云結廬在人境

仍愜孝先眠不學笙歌地長年

俗耳煎

罇月明窓紙涼竿掃徑塵却應環堵在瀟洒屬吾人

自有幽芳對無煩粲笑迎清虛歸眼界那計幻漚生

文室纔鶯子神遊殆化人公乎聊寄迹肯此負朝紳

絕句七言

輦下春懷十絕呈趙達夫

試院  
中作

絳闕峇峩五色中六街風穩柳貪慵金明解染波千頃  
不似君王惠澤醲

欄玉梯金十二樓百花烘作紫烟浮草黏天遠難憑信  
絲撲人來慣送愁

蝶正冶容蜂正狂鴛如羞澁燕如忙低枝莫答鞦韆索

留送嬋娟出短牆

杏紅似爲桃紅妬  
柳綠渾將水綠爭  
去日背人來日逼  
新愁特地舊愁并

楊柳絲間黃粟留  
杏花枝底碧遮油  
一鞭歸興輸年少  
十里香塵卷日流

一番勒花寒陣過  
幾竿搓柳日痕流  
新阡紺幘迢迢去  
往事黃昏恰恰愁

活琉璃帳金明色  
鬧綺羅成上苑園  
須信皇州春自滿

莫教青帝等閒歸

已憑歡伯為愁敵更指華胥卜夢隣數歇賣花聲過耳  
誰家鬪草事關身

三選就荒歸渺邈五漿先饋懶逢迎較量春色無花品  
收拾生涯有酒觥

魂先絮怯青樓女命為花輕白袷即春色不應踈病客  
正緣生計紙千張

再用前韻酬達夫

酒聖無端整日中不堪有七過  
嵇慵欲知春色詎如許  
萬斛浮蛆未博釀

九重城闕鳳凰樓金碧觚稜曉日浮  
和氣已從天上落  
寒鄉莫賦畔牢愁

擷藥攀枝得似狂未拚身世事  
乾忙羽翰不借還家夢  
鑰牡銜魚抱繚牆

花為粧成長近妬水將藍比不多  
爭陽和減裂窮塗望  
獨許侯家擅四并

百鬼揶揄成故態一宵隗磊信重圍  
沉清蘂白平治得  
請傍東皇振旅歸

岸柳禁持人學舞牆花勾引客窺隣  
速將事當悠悠夢  
剝買歡歸袞袞身

直取浩歌論纂纂肯容三爵徑油油  
送花明月憐人殺  
帖體紅波凝不流

露房霞頰迎人笑評訂芳菲第幾流  
黃四娘家無數夢  
玄都觀裏一番愁



罰籌滿把槽仍滴  
鱸手千刀刃必迎春  
若肯教花不老  
恣挨紅陣燥  
瑤觥

闊踈未可輕  
愚叟放浪多

一作端

應學漫郎待  
挽春工醉

鄉去隨教蜂蝶笑  
雄張

三用前韻酬達夫

掠風社燕窺簾入  
閒雨溪桃結子慵  
莫笑舞眉等閒畫  
藁砧情地勝春醲

花氣薰薰活逼樓  
十分大白直須浮  
自憐短髮如烟薄

敢買鈿車貯莫愁

柳挽花牽獨自狂  
鼓催鐘起幾人忙  
重城特解春將閉  
時放紅英笑女牆

得喪三分徒鼎峙  
是非兩角謾蝸爭  
人情不似春情好  
一氣無私見合并

閒殺錦風釀雨時  
可憐腰帶漸寬圍  
何因徑作江南夢  
泛取圖中竹葉歸

關關柳巷鶯懷友  
曳曳花房蝶乞隣  
未羨西園冠蓋客

稍關南浦別離身

蹀躞草媚障泥錦結  
妓花紅壓杏油梁  
父吟輸醉鄉客  
拋毬樂稱曲家流

駢棘重關不自由  
橫將匏繫代萍流  
飛絲莫冒林塘興  
留與騷人作四愁

酒徒博醉貂龜解  
社老賽神簫鼓逸  
未省撥忙酬燥吻  
壁端贏得掛空觥

它日江淹曾賦恨  
幾人顏駟尚潛郎  
年來春事稠於髮

莫把哀絲為急張

四用前韻酬達夫

怯思酣魂九十中  
蠶苗鳳子學人慵  
來來不會春工意  
醞造風光抵死釀

黃金遲日蟻成樓  
翠色紅光一樣浮  
短殺所戒反五更無

客夢小垂雙手有人愁

高陽門巷有人狂  
金谷園林數音所日長  
多事正堪憐考

父不尋花去却循牆

雀緣底事兒童戲蛙為何人口舌爭待割金明一尋碧  
恨無霜剪快如并

葉底蜂兒拋蜜桶花邊獮子亂棋圍一綳周昉新番畫  
擬就勾芒乞取歸

夢草客兒成底句貪杯吏部覓誰憐雪衣女軟留茶舌  
金十奴慵刺繡身

樓臺半蘸浮天水燈火頻乾繼晷油桃李不須連夜賞  
牡丹它日有高流

稍喜濁膠扶病頭，強看狂絮點清流。  
王鱸叔鮪成何事，不似吞書鯉破愁。

提壺音鵲蘆能送好聲，客來長是及門迎。  
惜花待著連天幙，賭酒須翻卷海觥。

折柳愁生灞陵岸，射鵰閒殺羽林郎。  
長安不禁花時夜，京兆於今有趙張。

題建州富沙門樓安濟橋十絕呈太守黃彥發

富沙門樓五絕

通莊一日躋青駕目極須知剎得天競秀溪山歸筆助  
撥忙風月看鵲傳

文棖繡拱切浮雲喜色先開萬井春未俯欄杆窺獨鳥  
已驚衽席度遊人

撲開行人袞底流閨閣縹緲到三休霜魂月魄交光夜  
十二冰簾不上鉤

玉粲登臨端不負庾公興味故應清廣寒約約無多地  
聽取仙風洗骨生

曾聞仙者好樓居樓外仙山入指呼聊作上游新粉澤  
使君不為貯羅敷

安濟橋五絕

編舟為之去玉清  
洞天五十步許

誰把靈槎接飲牛主人瀟灑古東甌玉清夜半開水箔  
暗認方平別駕蚪

扶檻侏儒玉刻紅斬新裝飾水精宮武夷不信仙山近  
十萬曾孫正踏虹

跨海鼇身傳洛陽貼波虹影老吳江未如截取玻璃去



穩卧筇篻白玉腔

擁翠拖青得要津  
截波仙履略無塵  
借令萬鵲填橋巧  
何補褰裳一世人

江夏無雙自妙年  
潁川第一早聞天  
陽和自滿千桃李  
更欲邦人識濟川

送曾道者歸玉笥舊隱二首

踏盡匡山十載雲  
却抽秋鶴九臯身  
明明似為溪毛熟  
笑整西風不屋巾

道隱

一作導引

曾窺反接猱急人尤喜施圭刀浮生不結秋

毫外首把長閒博暫勞

道旁見牛車困成二絕

由來得計在通津蝕盡冥冥古道塵犢子掣轅疲欲死  
須知作俑是推輪

兼兩正緣勝任取摧輶終忌大圓生尺塗寸潦皆吾病  
何必羊腸九折行

送李德素罷官歸舒城三首

瀟灑由來物，外婆文章滿。把盡珠璣飛，黃蹀月終難。絆  
看取蘅臯手一揮。

朔風吹浪水溶溶，白社回疑。香杳靄中千里，滄洲帆一

抹，遙知此日背冥鴻。

水落淮天蟹子肥，三年遊子片帆歸。東坡穉稜黃雲滿，  
試傍林椒振客衣。

和知府龍圖黃安中淺沙馬跑二泉二首

甃面平吞寸許寒，記曾一菊洗中乾。定知滿斛一作黃

金屑會有遊人鏡裏看

飛黃開跡想當年何啻軍中渴刺泉無補裹蹄空漢鑄  
有心流水謾牙絃

和安中詠陳仲舉徐孺子二首

當年禮意號難通南國纔傾孺子風戶外爾來多客屢  
誰堪一榻與要終

一從辭聘卧樞繩四海誰論目若營衰世竟閒援溺手  
林宗好在寄吾聲

和安中鐵柱留題

疾惡情深礙目沙果聞仙秩以功加連年誠毒纔三尺  
何似豚蹄祝滿車

和安中上藍橫泉井

誰割銀潢下甕中更聞南北豁相通窮妖奉作終身計  
千古翻成勿幕功

陪彭安行雙蓮亭小酌三首

無塵淨淥枕青鴛箇樣清虛不似鄜更喜晚來翹白鷺

伴君和我作三仙

觥籌一

一本  
作三

舉破愁城似勝長驅十萬兵可是胷中澆

隗磊更須鄧白與汾清

汾一  
作沉

枯荷搦水楓丹霜十分拍拍鵝兒黃挽君衣袖莫嫌數  
直恐跨鯨拋醉鄉

留題神仙院三絕

白鷺飛邊盡古今蕭條鬼冢與神林故時門巷猶能憶  
千載重來白一簪

門僧活

一作何

計祇瓶鉢愧我世緣猶網羅小官未免妄

男子較量所得誰為多

白帝憐秋自不

一作不自

勝等閒時放一番清詩情大似歸

飛鶴聊作當年警露聲

陪林明復功德院小軒對假山有成

候禽幽囀似爭春我亦貪搔不屋中截薜烟姿在眉睫  
箇中還有傲秦人

試筆

盧蒲衰髮故蕭蕭  
絳節霓旌不易招  
若使此身輕健得  
會須歸去掇翹芒

西峯寺

客塵不到勝黃梅  
竹遶松圍金地開  
盡撥雲根出葱蒨  
翠蕤青葆一時來

贈慶恩寺師

深願瘦脰出家人  
八十終身一衲雲  
高壽不論松與鶴  
獨留心賞寄迦文



高氏環翠樓二首

雕甍已入千山抱，倒影仍浮一水光。  
誰撲曉嵐都不惜，似緣袍色妬劉郎。

眼界初欣得茂林，野烟蒙幕此何心。  
擬從複嶺重岡外，便一作更借蒼岑十萬尋。

蓮華峰法雲即事五首

蟬聯封略三相近，縹緲神仙兩洞開。  
待語蓮華峰上月，好將清影逼人來。

蓮華峰下蓮華水萬古來從天北隅客子會須成利涉  
箇中還得問津無

渡南渡北閒花草鬧綠稀紅隨分好得意即適郡知非  
淺近由來貴深渺

奈我此身無定居正如飛絮撲江榆兩毛更甚盧蒲短  
好在朱陵見憶無

十十五五跳波魚三三兩兩踏歌姝前山後山碧一色  
似不多愧瀟灑圖

趙屯阻風書懷示黃成伯章子修二首

漾漾雲腥蹤尾行北來風力大  
麤生與君更向春容裏  
暗聽蝦蟆數擊更

故家曾是鳥巢南欲打歸心迫  
片帆十載萍根浮履舄  
令人羞澁對青衫

再次前韻

心逐雲容初欲遠身同春物乍欣生  
不緣旅泊蹉跎去  
一任江波歲月更

白浪差差沮我南祇成重釀破風帆半生感慨輕兒女  
翻笑江州淚濕衫

送徐擇之秘校還睢陽二首

華裾照地睢陽客入手當年有春色家山歸夢不須多  
歲晚青翰天際識

汴水東頭古堞開青鴛舞影幾樓臺莫將歸鴈比行色  
身未到家春已來

書國清寺清曉上人壁

老師八十大僧生頭插吳龜見壽徵斲開雲根作活計

一作八十老僧大僧生瘦脰深  
顯饒壽徵雲根斲盡好活計 隱約百尺飛觚稜

和許亢秀才適軒三詠

卑枝已能分好月况復地力能新培託根反出杜木後

正使匠石愁無材

右小木

吾聞水月故相攝小水還同大虛量誰掬銀潢下九秋

更想靈槎到天上

右小池

蟄龍蟠地壳角出便訝雲物儲其間由來浪費康樂屐

自可對面酬商顏

右小山

題屈原

直魄忠魂不復生  
後來誰與繼英聲  
只因一派瀟湘水  
千古澄波伴獨清

題增城駐舟亭

一亭瀟灑枕江流  
水色山光四面浮  
多少客帆簷外過  
不知誰是濟川舟

題韶州韶石亭

數層頑石立孤岑  
代往碑訛事莫尋  
惟有湯湯亭下水  
至今猶似奏韶音

泊韶州宣溪亭

昔年吏部謫韶州  
曾向宣溪泊暮舟  
多少烟波愁不盡  
一時留與後人愁

題吉水南華寺

紫翠

一作氣

浮浮奪曉昏生涯

一作盡

谷汲與松焚客

一作紅

塵一點自應少

一作飛不到

終

一作盡

日到門惟白雲

今寺有刻

石扁其堂  
曰白雲

野興由來愜杖藜  
層巒影裏見翬飛  
虛堂一炷起凝碧  
化作九天雲染衣

龍雲觀稼

黃雲撲撲擁千塍  
惡歲嗷嗷比獨登  
稍取快襟移遠岫  
更從始擊見秋鷹

紹聖丙子之既秋  
偉明考藝於遠疑州已事晡

飯茲舍弟姪親舊  
從焉者凡十有二人  
時主僧



設茶奴王少二拔天門冬以腹

疑作

壺漿云

龍雲集卷九